

De perfectis animalibus.

231

cum etiam inter gemmas sedeat, & cum marmore certet. Soliditate sua ac tenuitate fit ut totum cum tale sit, uiuacissimum animal reddatur, atque hoc unum est Elephantis priuilegium, nam magnitudine & robore à ceteris & serpentibus quibusdam uincitur, sagacitate ab homine, & æquatur à canibus: cæterum uitæ longitudine quod sciam nullum est præstantius, ducentis annis uiuere palam est, multi tamen authorum trecentis affirmant. Neque enim animalia in aqua degentia ob humidum liquidius tantum uiuere possunt, nec aues ob paruitatem, nec quadrupedi alij melior temperatura concessa est. Quamuis uero lente uideatur moueri, homines currentes tamen consequitur ob uasitatem corporis, binæ cluellæ duabus cathenis sub uentre positæ dorso imponuntur, his castellum lignæ imponitur, in quo semel homines ad minus, quandoque etiam usque ad quatuordecim armati pugnant omni telorum genere. Sed hoc genus usque olim præclarum, tormentorum igneorum uiolentia cuius. Huc maxime longeuum ac robustum & magnitudinis raræ procrearet. Atque hic ritatus mortali huic materiæ ultimus, præter hominem, cui melius aliquid largiri excogitauit, nam Elephantis sanguis etiam prædulcis est, & pro tanta mole tenuis. Promuscide odores sentit Elephas, & mammas habet duas sub armis, adeo paruas ut à latere nequeant conspici, neque enim magnitudine corporis ulla ex parte respondent. Mas coire quinto aut sexto anno incipit, & uere coit, nec nisi singulo triennio redit ad uenere: foemina anno xij. cum celerrimè, xv. cum tardissimè foetum gestare incipit: fert biennio toto, & mas quam grauidam semel reddidit inire amplius non sustinet. Catulus cum nascitur uitulum trimestrem æquat magnitudine. Potum haurit incredibilem, & cibi maximè est. Floret circa annum ætatis lx. spirat etiam promuscide, tot ei comoda unum præbet membrum: frigoris impatiens est, & ob id præcipuè nascitur in India. Vbi etiam Rhinoceros, animal rarum, equi magnitudine, pilo musfelæ simillimo: capite ceruino, in quo cornu crescit unicum cubitorum trium longitudine, media in fronte atque rectum, in imo autem amplum tendens in aciem. Collum breue, iuba rarissima, & in alteram tantum partem tendente, crura uelut capreolo tenuia, postremorum pars posterior multo pilo uillosa, unguæ bidentæ: in uniuersum si quis aduertat cerui naturæ non est absimilis præter cornu illud: ferum est ualde. Nascitur & in Æthiopia inter solitudines squalentemque terram, atque inter serpentes, mirumque in modum uenenis cornu eius aduersari creditur.

At contraria aeris qualitate penitus sub Boreali polo Alces nascitur, ceruo simile, cruribus anterioribus longioribus, carnicam habens promuscidem breuem tamen, cuius unguæ si collo appendatur comitiales sanare

Rhinoceros.

Alces.